

## Usluge Saveza

### • PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

### • FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

## Sadržaj biltena:

|                                                                                              |    |
|----------------------------------------------------------------------------------------------|----|
| Susret premijera FBiH sa delegacijom Saveza                                                  | 1  |
| Održana 18. sjednica Predsjedništva Saveza                                                   | 2  |
| 12. sjednica Komisije za ekonomski razvoj općina i gradova i finansije                       | 3  |
| Informacija sa 14. sjednice P/ZDPFBiH                                                        | 4  |
| Općine Tešanj, Doboj Jug i Usora pristupaju izgradnji uređaja za prečišćavanje otpadnih voda | 5  |
| Projekat DECENT za izgradnju decentraliziranih kanalizacionih sistema                        | 5  |
| Eko akcija "Očistimo našu općinu Centar"                                                     | 6  |
| Početak radova u poslovnoj zoni Gorinčani                                                    | 6  |
| Akcija "drvena biomasa za održivu budućnost"                                                 | 7  |
| Predsjednik R. Hrvatske posjetio Općinu Ljubuški                                             | 7  |
| U posjeti Općini Banovići boravio ambasador R. Makedonije                                    | 8  |
| Uspostavljena saradnja općina Cazin i Šile                                                   | 8  |
| Općini Stari Grad uručeno priznanje "Evropski otvoreni grad"                                 | 9  |
| Načelnik Općine Centar Sarajevo dobitnik biznis nagrade "Gazela"                             | 9  |
| Savjetnik načelnika Općine Tešanja na simpoziju u Tianjinu u Kini                            | 10 |
| Održana završna radionica projekta LOD II                                                    | 10 |
| Program Evropa za građane                                                                    | 11 |
| Studijska posjeta o održivom turizmu                                                         | 11 |
| Poziv za dostavljanje komentara na radnu verziju LOD metodologije                            | 12 |
| NAJAVA obilježavanja dana općina i bitnih datuma za Savez                                    | 12 |

# Bilten Saveza općina i gradova Federacije Bosne i Hercegovine

## SUSRET PREMIJERA VLADE FBiH SA DELEGACIJOM SAVEZA OPĆINA I GRADOVA FBiH

**SARAJEVO, 17. april/travanj** – Premijer Federacije BiH **Nermin Nikšić**, dopremijer FBiH i federalni ministar prostornog uređenja **Desnica Radivojević** i Federalni ministar pravde **Zoran Mikulić** primili su danas u Sarajevu predstavnike Predsjedništva Skupštine Saveza općina i gradova FBiH, na čelu s predsjednikom Predsjedništva i načelnikom Općine Vitez **Vladom Alilovićem** i direktoricom Saveza **Vesnom Travljanin**. Ispred Saveza, sastanku su prisustvovali i **Salem Dedić** –



načelnik Općine Jablanica, **Rasim Omerović** – načelnik Općine Kalesija, **Ermin Hajder** – načelnik Općine Bosanski Petrovac, **Hasan Ajkunić** – načelnik Općine Bugojno, **Hakija Osmić** – načelnik Općine Zavidovići, **Luka Jurić** – načelnik Općine Odžak, **Senaid Memić** – načelnik Općine Ilidža, **Muhamed Ramović** – načelnik Općine Goražde, **Nedžad Koldžo** – načelnik Općine Novo Sarajevo, **Hamdo Ejubović** – načelnik Općine Hadžići, **Miroslav Živanović** – zamjenik gradonačelnika Grada Sarajeva.

Tijekom susreta, kojem su prisustvovali i predstavnici Komisije za lokalnu samoupravu Predstavničkog doma Parlamenta Federacije BiH na čelu sa **Slavišom Šućurom**, predstavnici Vijeća Europe, OESS-a i GAP-a, razgovarano je, uz ostalo, o potrebi snažnije koordinacije između federalne i lokalnih vlasti. Dobra osnova za to je Sporazum o saradnji Vlade FBiH i Saveza općina i gradova FBiH koji je potpisan 6. oktobra/listopada 2011. godine.

Obrazlažući nastojanja Vlade FBiH za što većom saradnjom s lokalnim zajednicama, premijer Nikšić je ukazao i na potrebu institucionalizacije tih odnosa, a jedna od mogućnosti je i osnivanje federalnog ministarstva u čijoj bi nadležnosti bila pitanja lokalne uprave i samouprave, sa čime se složila i delegacija Saveza.

Uskoro bi, kako je danas najavljeno, trebali biti imenovani i članovi Radne grupe za izradu Kodeksa o odnosima između nivou vlasti u Federaciji BiH.

Prema riječima ministra Mikulića, Nacrt kodeksa je već sačinjen, dok je Slaviša Šućur, kazao kako je cilj ovog dokumenta utvrđivanje jasnih procedura u saradnji i odnosima sva tri nivoa vlasti u Federaciji BiH.



Tema današnjeg susreta, a što su posebno naglasili predstavnici Saveza bili su federalni zakoni od kojih izravno zavise aktivnosti i razvoj lokalnih zajednica, kao što su: Zakon o šumama, Zakon o koncesijama, Zakon o uposlenicima u organima jedinica lokalne samouprave, Zakon o premjeru i katastru nekretnosti, te Zakon o izmjenama i dopunama Zakona o pripadnosti javnih prihoda.

Ministar Radivojević je kazao kako će Vlada FBiH razmotriti amandmane što ih je na Zakon o koncesijama uputio Savez općina i gradova, te će one koji budu prihvatljive uvrstiti kao sastavni dio



Sa sastanka kod premijera FBiH

Prijedloga zakona u parlamentarnoj proceduri. Danas je, također, ukazano i na praktične probleme uzrokovane pravnim vakumom nastalim zbog prestanka važenja Uredbe o šumama i nepostojanja novog zakona iz ove oblasti.

Premijer Nermin Nikšić je predstavnike Saveza općina i gradova upoznao i s nekim od drugih zakonskih projekata Vlade FBiH, kao što je Zakon o koridoru Vc.

Federalni premijer pozitivno je ocijenio inicijativu da se, osim zajedničkih sjednica Federalne s vladama kantona, održe i susreti uz prisutnost predstavnika općinskih vlasti.

Načelnici su predložili da se ovakvi susreti između predstavnika lokalnih vlasti i federalnog premijera održavaju češće, po mogućnosti svaka dva mjeseca.



#### KORISNI LINKOVI ZA PREDPRISTUPNE FONDOVE EU:

[www.southeast-europe.net](http://www.southeast-europe.net)  
[www.adriaticipabc.org](http://www.adriaticipabc.org)  
[www.interregadriatico.it](http://www.interregadriatico.it)  
[www.europa.ba](http://www.europa.ba)  
[www.chib-eu.org](http://www.chib-eu.org)  
[www.cbc.bih-mne.org](http://www.cbc.bih-mne.org)  
[www.srb-bih.org](http://www.srb-bih.org)  
[www.cbc-cro-bih.net](http://www.cbc-cro-bih.net)  
[www.programmed.eu](http://www.programmed.eu)  
[www.tacso.org](http://www.tacso.org)  
[www.euroinfocentar.ba](http://www.euroinfocentar.ba)  
[www.balkanfund.org](http://www.balkanfund.org)  
[www.eurelmed.com](http://www.eurelmed.com)  
[www.eacea.ec.europa.eu](http://www.eacea.ec.europa.eu)

## ODRŽANA 18. SJEDNICA PREDSEDNIŠTVA SKUPŠTINE SAVEZA

**U Općini Stari Grad Sarajevo, dana 17.04.2012. godine održana je Osamnaesta sjednica Predsjedništva Skupštine Saveza općina i gradova Federacije Bosne i Hercegovine.**

Sjednici su prisustvovali sljedeći članovi Predsjedništva: **Vlado Alilović** - predsjednik Predsjedništva i načelnik Općine Vitez, **Ermin Hajder** - načelnik Općine Bosanski Petrovac, **Salem Dedić** - načelnik Općine Jablanica, **Luka Jurić** - načelnik Općine Odžak, **Hakija Osmić** - načelnik Općine Zavidovići, **Miroslav Živanović** - zamjenik gradonačelnika Grada Sarajeva, **Muhamed Ramović** - načelnik Općine Goražde,




**Senaid Memić** - načelnik Općine Ilidža i **Luka Čelan** - načelnik Općine Livno. Pored članova Predsjedništva, sjednici su prisustvovali i: **Ibrahim Hadžibajrić** - načelnik Općine Stari grad Sarajevo, **Nisvet Hrnjić** - načelnik Općine Jajce, **Vesna Travljanin** - direktor Saveza, **Erik Boven** - tim lider projekta „Jačanje kapaciteta saveza općina i gradova u Bosni i Hercegovini“ – CDMA, **Mario Vignjević** - predstavnik Švedske agencije za međunarodnu razvojnu saradnju – Sida, **Šaćir Šošević** - direktor „Geoprojekt“ d.o.o. Sarajevo, **Samir Omerefendić** - rukovodilac projekta „Jačanje lokalne demokratije/demokratije“ – LOD II, UNDP i uposlenici stručne službe Saveza. Predsjedništvo je razmatralo i usvojilo Izvještaj o izvršenju Finansijskog plana Saveza za 2011. godinu i Prijedlog Finansijskog plana Saveza za 2012. godinu.

Predsjedništvu je predstavljen rad 11. i 12. sjednice **Komisije za ekonomski razvoj općina i gradova i finansije** na kojima su razmatrani: Informacija sa Prve sjednice radne grupe za analizu i pripremu rješenja u oblasti pripadnosti javnih prihoda u FBiH i izradu prijedloga za izradu novog Zakona o pripadnosti javnih prihoda u FBiH, Nacrt zakona o stvarnim pravima, Nacrt zakona o korištenju obnovljivih izvora energije i efikasne kogeneracije, Nacrt zakona o turističkim zajednicama i promicanju turizma u FBiH, Preporuka ombudsmena za ljudska prava BiH u vezi sa promoviranjem međuopćinske saradnje u oblasti inspeksijskog nadzora, Prijedlog zakona o koncesijama, Nacrt izmjena Zakona o cestama i Inicijativa Općine Bihać za zaštitu lokalne samouprave. Predsjedništvo je jednoglasno podržalo ponuđene zaključke komisija uz zaključak da se uputi dopis nadležnim organima za hitno rješavanje problematike u vezi sa nepostojanjem Zakona o šumama, naglašavajući da je stanje u toj oblasti alarmantno.

Također, Predsjedništvo je razmatralo Izvještaj sa 12. sjednice **Komisije za ustavna i zakonodavna pitanja**, na kojoj je razmatrano: Prijedlog zakona o poljoprivrednim savjetodavnim službama, Nacrt zakona o igrama na sreću, Nacrt zakona o izmjenama i dopunama Zakona o komunalnim djelatnostima Tuzlanskog kantona, Inicijativa za izmjene i dopune Zakona o pravobranilaštvu u Federaciji Bosne i Hercegovine i Inicijativa za pokretanje postupka dodjele koncesija u vezi korištenja vodotoka rijeke Une za potrebe hidroenergetskog objekta „Kostela“. Ponuđene zaključke Predsjedništvo je jednoglasno usvojilo.



Grb Općine Stari Grad Sarajevo



Stari Grad Sarajevo

**Hakija Osmić**, kao član **Radne grupe za analizu i pripremu rješenja u oblasti pripadnosti javnih prihoda u Federaciji BiH i izradu prijedloga novog Zakona o pripadnosti javnih prihoda u Federaciji BiH**, predstavio je Izvještaj sa drugog sastanka ovog tijela. Nakon kraće rasprave Predsjedništvo je zauzelo stav da se neće ulaziti u horizontalnu raspodjelu prihoda između jedinica lokalne samouprave i usvojilo zaključak kojim se traži povećanje procenta od prihoda sa Jedinstvenog računa sa 8,42% na 10% jedinicama lokalne samouprave, te da će se u slučaju povećanja procenta vršiti linearna raspodjela dodatnih prihoda između jedinica lokalne samouprave.

Na zahtjev Federalnog ministarstva pravde za imenovanjem predstavnika Saveza u **Radnu grupu za izradu Kodeksa o odnosima između nivoa vlasti u Federaciji BiH**, Predsjedništvo je imenovalo Miroslava Živanovića, zamjenika gradonačelnika Grada Sarajeva i Predraga Šupljeglava, načelnika Odjela za organizaciju, pravne poslove, opću upravu, civilnu zaštitu i vatrogastvo Grada Mostara. U skladu sa Odlukom Vlade Federacije BiH o usvajanju Strategije obuke za zaposlenike u jedinicama lokalne samouprave u FBiH, Predsjedništvo je imenovalo Džavida Aličića, načelnika Općine Doboj Jug i Željka Josića, načelnika Općine Domaljevac-Šamac u **Koordinaciono tijelo za obuku zaposlenika u jedinicama lokalne samouprave**.

Članovi Predsjedništva su informisani i o nizu aktivnosti koje realizira Savez, kao što su: Projekat „Beacon schema“ – najava svečane ceremonije dodjele nagrada šestog kruga, Projekat „Jačanje kapaciteta saveza općina i gradova u Bosni i Hercegovini“-CDMA – Izvještaj sa sastanka Savjetodavnog odbora održanog 04.04.2012. godine, Prijedlog novog projekta za jačanje jedinica lokalne samouprave kroz neposredno učešće građana finansiranog od strane SIDA-e i održani sastanak u organizaciji OSCE-a (27.03.2012) na temu uređenja normativnog okvira unutar sistema državne službe u Federaciji Bosne i Hercegovine, sa posebnim osvrtom na usvajanje Zakona o državnim službenicima i namještenicima u organima državne službe Federacije Bosne i Hercegovine i nacrt Zakona o zaposlenicima u organima lokalne samouprave Federacije Bosne i Hercegovine.

Na sjednici je prezentiran i izvještaj sa održane Konferencije „Problemi u vezi sa primjenom Zakona o zaštiti i dobrobiti životinja sa aspekta lokalnih zajednica“ i predstavljanje programa „Evropa za građane“ i radionice „O Evropskoj uniji na lokalnom nivou“, te je usvojena Odluku o uspostavljanju Centra za edukaciju i dijalog pri Savezu općina i gradova Federacije Bosne i Hercegovine i Preporuka u vezi sa uređenjem unutrašnje i međusobne komunikacije između članica Saveza i Saveza.

Ispred UNDP-og projekta LOD II, Predsjedništvu se obratio Samir Omerefendić, projekt menadžer koji je predstavio radnu verziju Metodologije za raspodjelu općinskih sredstava organizacijama civilnog društva, koja je podržana od strane Predsjedništva sa zaključkom da se ista uputi u javnu raspravu svim članicama Saveza.

## 12. SJEDNICA KOMISIJE ZA EKONOMSKI RAZVOJ OPĆINA I GRADOVA I FINANSIJE

U prostorijama Saveza općina i gradova Federacije Bosne i Hercegovine, 11. aprila/travnja održana je 12. sjednica Komisije za ekonomski razvoj općina i gradova i finansije Skupštine Saveza.



Pored članova Komisije, sjednici su prisustvovali i **Pavo Boban** (pomoćnik ministra u sektoru za infrastrukturu u Federalnom ministarstvu prometa i komunikacija, **Bubalo Emir** (načelnik Općine Konjic), **Sakib Alijagić** (Općina Bihać), **Slaviša Šućur** (GAP), te uposlenici Saveza **Vesna Travljanin**, **Zlata Turkić** i **Dženita Kovačević**.

Komisija je razmatrala sljedeća pitanja: **Nacrt zakona o izmjenama i dopunama Zakona o cestama u Federaciji Bosne i Hercegovine, Prijedlog zakona o koncesijama i Inicijativu Općine Bihać za zaštitu interesa lokalne zajednice.**

Uvodne napomene po prvoj tački dnevnog reda, **Nacrt zakona o izmjenama i dopunama Zakona o cestama u Federaciji Bosne i Hercegovine**, dao je Pavo Boban i istakao da je oblast cesta podijeljena nadležnost i da su izmjene i dopune samo kozmetičke izmjene Zakona iz 2010. godine i izraz su usklađivanja Zakona sa direktivama Evropske unije. Takođe, napomenuo je da je u izradi Uredba o kategorizaciji cesta koja će se usklađivati sa Republikom Srpskom, kako bi bila jednoobrazna u cijeloj Bosni i Hercegovini. Izmjene se odnose i na proceduru i broj članova Nadzornog odbora upravitelja cesta, čime će se osigurati mogućnost izbora stručnih lica, te zastupljenost konstitutivnih naroda kao i na uređivanje mogućnosti „prikliučaka na javnu cestu“.



*Komisija je razmatrala sljedeća pitanja: Nacrt zakona o izmjenama i dopunama Zakona o cestama u Federaciji Bosne i Hercegovine, Prijedlog zakona o koncesijama i Inicijativu Općine Bihać za zaštitu interesa lokalne zajednice.*



Centar Sarajevo



#### KORISNI LINKOVI ZA PREDPRISTUPNE FONDOVE EU:

[www.southeast-europe.net](http://www.southeast-europe.net)  
[www.adriaticipacbc.org](http://www.adriaticipacbc.org)  
[www.interregadriatico.it](http://www.interregadriatico.it)  
[www.europa.ba](http://www.europa.ba)  
[www.cbib-eu.org](http://www.cbib-eu.org)  
[www.cbc.bih-mne.org](http://www.cbc.bih-mne.org)  
[www.srb-bih.org](http://www.srb-bih.org)  
[www.cbc-cro-bih.net](http://www.cbc-cro-bih.net)  
[www.programmmed.eu](http://www.programmmed.eu)  
[www.tacso.org](http://www.tacso.org)  
[www.euroinfoceantar.ba](http://www.euroinfoceantar.ba)  
[www.balkanfund.org](http://www.balkanfund.org)  
[www.eurelmed.com](http://www.eurelmed.com)  
[www.eacea.ec.europa.eu](http://www.eacea.ec.europa.eu)

Savez općina i gradova Federacije BiH je također uputio Federalnom ministarstvu prostornog uređenja amandman na Prijedlog zakona o koncesijama, kojeg je prihvatila Vlada Federacije BiH na svojoj zadnjoj sjednici i uputila Parlamentu FBiH.

Emir Bubalo je obrazložio inicijativu Općine Konjic za izmjene i dopune ovog Zakona, koje nisu uvrštene u Zakon iz 2010. godine, a koje se odnose na naknade za korištenje cestovnog zemljišta i naknade za korištenje objekata na temelju koncesije, koje bi u cjelosti trebale pripadati nadležnoj jedinici lokalne samouprave na čijem području se nalazi cestovni pojas. Isto tako, raspodjela sredstava bi trebala biti u odnosu: 35% Federacija BiH, 30% Regionalna uprava i 35% jedinica lokalne samouprave. Posebno je istakao da važeći Zakon o cestama u FBiH nije usaglašen sa Zakonom o principima lokalne samouprave.

Na kraju rasprave **zaključeno je da Komisija predlaže Predsjedništvu Saveza da podrži Nacrt izmjena i dopuna Zakona o cestama u FBiH, te da se Inicijativa Općine Konjic proslijedi Federalnom ministarstvu prometa i komunikacija kao inicijativu Saveza sa zahtjevom da se razmotri i ugradi u tekst Prijedloga Zakona o cestama u FBiH.**

Uvodne napomene o **Prijedlogu Zakona o koncesijama** dao je Hamdo Ejubović koji je istakao da su u Prijedlog, uglavnom, uključeni zahtjevi jedinica lokalne samouprave.

U raspravi, u kojoj su učestvovali svi prisutni članovi, istaknuto je da zakonom treba decidno razgraničiti nadležnosti za dodjelu koncesija Federacije BiH, kantona i općina/gradova. U tom cilju, treba preuzeti neka rješenja iz Nacrta zakona i sačiniti amandman na Prijedlog zakona o koncesijama koji se odnosi na koncedente u određenim oblastima. Naročito je istaknuto da u oblastima u kojima je nadležna jedinica lokalne samouprave treba uključiti građevinsko zemljište, poljoprivredno zemljište, kamenolome i mini hidroelektrane snage 1 MW.

Inicijativu Općine **Bihac o zaštiti prava na lokalnu samoupravu** obrazložio je Sakib Alijagić i obavijestio prisutne da ŠPD „Unsko sanske šume“ d.o.o. Bosanska Krupa poslalo obavijest da je prestala obaveza ŠPD-a za uplaćivanje naknade u visini od 7% od ostvarenog prihoda od drveta i nedrvenih šumskih proizvoda za korištenje državnih šuma od kojih je 5% uplaćivano na namjenski račun općina na čijoj teritoriji se ostvaruje prihod. To je dovelo općine u krajnje nezavidan položaj.

Na kraju rasprave **zaključeno je da se podržava Inicijativa Općine Bihac za zaštitu prava na lokalnu samoupravu, te da je potrebno nastaviti pratiti aktivnosti u vezi sa ovim problemom.**

## INFORMACIJA SA 14. REDOVNE SJEDNICE PREDSTAVNIČKOG DOMA PARLAMENTA FEDERACIJE BIH

**SARAJEVO, 26. april/travanj** – Predstavnički/Zastupnički dom Parlamenta Federacije BiH na svom dvodnevnom zasjedanju (25. i 26. april/travanj) usvojio je **Prijedlog zakona o izmjenama i dopunama Zakona o tržištu vrijednosnih papira**, kojeg je utvrdila Federalna vlada.

Kako je navedeno u obrazloženju predlagača, donošenjem ovog Zakona stvaraju se preduslovi za daljnji razvoj i afirmaciju primarnog i sekundarnog tržišta vrijednosnih papira, a posebno emisija i promet dužničkih vrijednosnih papira koje emituje Federacija BiH (obveznice i trezorski zapisi). Zakonom se, između ostalog, eliminiše obaveza trgovanja vrijednosnim papirima Federacije BiH, kantona, gradova i općine na berzi, s obzirom da se uvodi mogućnost trgovanja putem drugog uređenog javnog tržišta, vanberzanskog tržišta – OTC-a i neposredno. Trgovanje vrijednosnim papirima van berze predstavlja znatnu uštedu u troškovima posredovanja koji se plaćaju iz budžeta Federacije BiH.

**O Prijedlogu zakona o koncesijama** Predstavnički dom Parlamenta FBiH donio je zaključak da se o njemu pretrjes i izjašnjavanje vodi na sljedećoj sjednici. Do tada predlagač treba da uradi integralni tekst Prijedloga zakona, s obzirom da je na isti upućen znatan broj amandmana koje je bilo teško pratiti i koji mijenjaju suštinu ovog zakonskog prijedloga, tako da je nastavak rasprave i izjašnjavanje zastupnika o ovom zakonskom prijedlogu planiran na sljedećoj sjednici.



Među amandmanima bili su i amandmani koje je Savez općina i gradova Federacije BiH uputio Federalnom ministarstvu prostornog uređenja. Amandmane Saveza je prihvatila Vlada Federacije BiH na svojoj zadnjoj sjednici i uputila Parlamentu FBiH. Riječ je o uvrštavanju u Prijedlog zakona novog člana kojim se preciziraju i razgraničavaju nadležnosti FBiH, kantona i općina za dodjelu koncesija za pojedine oblasti.

Na ovaj način olakšava se provedba koncesionih projekata, potiče njihov razvoj i unaprjeđuje transparentnost procesa dodjele koncesija.

Zastupnički dom Federalnog parlamenta usvojio je **Nacrt zakona o izmjenama i dopunama Zakona o cestama FBiH.**



## OPĆINE TEŠANJ, DOBOJ JUG I USORA POTPISALI ZAJEDNIČKI SPORAZUM ZA PRISTUPANJE IZGRADNJI UREĐAJA ZA PREČIŠĆAVANJE OTPADNIH VODA

**TEŠANJ, 18. april/travanj** – Na inicijativu Fonda za okoliš Federacije BiH učinjen je praktični korak za rješavanje pitanje izgradnje zajedničkog prečišćaća za površinske i otpadne vode općina Tešanj, Doboj Jug i Usora. Naime, sve tri općine se suočavaju sa ovim problemom i sve tri općine su na lokalnom nivou kandidirale višim nivoima vlasti ovaj problem. Fond za okoliš FBiH je iznio problem izgradnje tri prečišćaća resornom ministarstvu kao problem, pa je preporučio da se radi jedan uređaj kao logično, tehnički i ekonomski opravdano rješenje. Fond je nakon sagledavanja ovog problema ponudio pomenutim općinama sporazum čiji je tekst nakon usaglašavanja konačno parafiran u Tešnju od strane direktora Fonda za okoliš FBiH Safeta Harbinje, načelnika Tešnja Fuada Šišića, Doboj Juga Džavida Aličića i Usore Ante Čička.

Ovim sporazumom Fond se obavezao da uradi Studiju izvodljivosti na osnovu koje će se definisati model upravljanja uređajem za prečišćavanje zajednički za tri ove općine. Uređaj će biti instaliran na području Općine Doboj Jug u skladu sa prostorno-planskom dokumentacijom i savremenim ekološkim standardima.

Općine će zajednički aplicirati za sredstva Evropske investicione banke, a projekat će se finansirati i sredstvima Federacije BiH i iz lokalnih budžeta.



Tešanj, potpisivanje sporazuma

*Općine će zajednički aplicirati za sredstva Evropske investicione banke, a projekat će se finansirati i sredstvima Federacije BiH i iz lokalnih budžeta.*

## PROJEKAT DECENT ZA IZGRADNJU DECENTRALIZIRANIH KANALIZACIONIH SISTEMA

**BIHAĆ, 13. april/travanj** – Jučer je u Bihaću potpisan Memorandum o razumijevanju za projekat "Uvod u decentralizirano upravljanje otpadnim vodama u Unsko-sanskom kantonu" (DECENT).


Memorandum su potpisali: ambasador Švicarske u BiH Andre Schaller, ambasador Slovenije u BiH Andrej Grasselli, direktor Švicarske agencije za razvoj i saradnju (SDC) Joseph Guntern, premijer Unsko-sanskog kantona (USK) Hamdija Lipovača, te resorni ministri Sinha Kurbegović i Emdžad Galijašević.

Potpise na ovaj dokument stavili su i načelnici općina Bužim i Cazin, Mirsad Šahinović i Nermin Ogršević te predsjedavajući Općinskog vijeća Bihać Željko Mirković, kao i Sandi Zulić, direktor Una consultinga, poduzeća koje će pružati konsultantske usluge u implementaciji tog projekta.

Općine USK-a već su u okviru projekta dobre uprave u oblasti voda i zaštite okoliša GOV-WADE započele aktivnosti na primjeni novih tehnologija u upravljanju otpadnim vodama. Projekt DECENT je SDC odobrio na temelju prijedloga Una consultinga. Njegova ukupna vrijednost je 1,19 miliona KM uz sufinansiranje općina, a osim SDC-a u finansiranju učestvuje i Vlada Slovenije.

Time će biti finansirana izrada projektne dokumentacije i izgradnja tri decentralizirana kanalizaciona sistema. U tim sistemima uradit će se i pripadajući biljni uređaji za prečišćavanje otpadnih voda na području triju općina, koje sudjeluju u projektu.

Očekuje se da općine, putem DECENT-a, ojačaju vlastite kapacitete za upravljanje decentraliziranim kanalizacionim sistemima. Ovaj model, nakon toga mogao bi se primjenjivati i u drugim općinama USK-a, ali i BiH.





Grb Općine Centar



Sa akcije čišćenja

## EKO AKCIJA "OČISTIMO NAŠU OPĆINU CENTAR"



U Općini Centar Sarajevo, u ponedjeljak, 16. aprila/travnja počela je velika eko akcija proljetnog čišćenja i uređenja pod nazivom "Očistimo našu općinu Centar".

Akcija će trajati do 22. aprila/travnja, kada se obilježava svjetski Dan planete Zemlje.

Ova akcija treba biti prvenstveno edukativnog karaktera, kao dobar primjer najmlađim naraštajima kako se treba odnositi prema našoj okolini i planeti Zemlji, izjavio je ovom prilikom načelnik Općine Centar Dževad Bećirević, koji je inicijator akcije.

„Tokom narednih sedam dana u akciju čišćenja i uređenja će biti uključeno oko 3.000 volontera Općine Centar, pripadnika Općinskog i mjesnih štabova Civilne zaštite, savjeta mjesnih zajednica, učenika osnovnih i srednjih škola, studenata, predstavnika nevladinih organizacija koje se bave zaštitom okoliša, kao i sportskih udruženja“, kazao je Bećirević.

Akciju je podržalo i komunalno preduzeće „Rad“ koji će ukloniti sav prikupljeni otpad i suho granje, dok će radnici "Parka", osim aktivnog učešća u akcijama čišćenja, zasaditi cvijeće na nekoliko lokacija.

Nakon uklanjanja otpada pripadnici Dobrovoljnog vatrogasnog društva "Bjelave" će oprati očišćene lokacije.



### KORISNI LINKOVI ZA PREDPRISTUPNE FONDOVE EU:

[www.southeast-europe.net](http://www.southeast-europe.net)  
[www.adriaticpacbc.org](http://www.adriaticpacbc.org)  
[www.interregadriatico.it](http://www.interregadriatico.it)  
[www.europa.ba](http://www.europa.ba)  
[www.cbib-eu.org](http://www.cbib-eu.org)  
[www.chc-bih-mne.org](http://www.chc-bih-mne.org)  
[www.srb-bih.org](http://www.srb-bih.org)  
[www.chc-cro-bih.net](http://www.chc-cro-bih.net)  
[www.programmed.eu](http://www.programmed.eu)  
[www.tacso.org](http://www.tacso.org)  
[www.euroinfoentar.ba](http://www.euroinfoentar.ba)  
[www.balkanfund.org](http://www.balkanfund.org)  
[www.eurelmed.com](http://www.eurelmed.com)  
[www.eacea.ec.europa.eu](http://www.eacea.ec.europa.eu)

*Predviđeno je da završetak  
radova na fabrici peleta  
bude do kraja jeseni čime bi  
i počela proizvodnja do  
kraja godine*



## POČETAK RADOVA U POSLOVNOJ ZONI GORINČANI

U Poslovnoj zoni Gorinčani u Bosanskom Petrovcu postavljen je kamen temeljac za prvu od tri fabrike koje će se graditi u ovoj godini, navodi se u saopćenju iz Općine. Riječ je o fabrici peleta firme Interwork iz Cazina u koju će biti uloženo oko 3 miliona KM, a gradit će se u dvije faze. U prvoj fazi će biti instaliran proizvodni pogon za proizvodnju peleta kapaciteta 2 tone na sat koji će zapošljavati 20 radnika, a u drugoj fazi će se graditi staklenici za proizvodnju zeljastog bilja, koji će koristiti viškove toplotne energije nastale proizvodnjom peleta i zapošljavati će dodatnih 20 radnika. „Interwork je joint venture kompanija italijanskih i bh. privrednika po sistemu green field investicije. Predviđeno je da završetak radova na fabrici peleta bude do kraja jeseni čime bi i počela proizvodnja do kraja godine“ izjavio je direktor preduzeća Interwork Sanel Liđan.

Općinski načelnik Ermin Hajder i počasni konzul BiH u Italiji dr. Diego Moskeni (Moscheni) svečanim presjecanjem vrpce i postavljanjem kamena temeljca od strane zlatnih investitora Đorđa Eberla (Giorgio Eberle) i Mikelandela Kekija (Michelangelo Chiechi) ozvaničen je početak radova na izgradnji tvornice peleta u Poslovnoj zoni Gorinčani.



„Danas je ustvari počela završnica priče o Poslovnoj zoni u Bosanskom Petrovcu, gdje će se graditi tri fabrike. Ovo je rezultat jednog trogodišnjeg rada, koji je kulminirao time da smo privukli investitore, znači znali smo to uraditi, jačali ekonomski i egzistencijalno Bosanski Petrovac, a to je suština priče lokalnog lidera da zaista brine o svojim građanima. Najbolji način je da im obezbjedi radna mjesta i mislim da je Bosanski Petrovac na jedan primjeren način upravo to i uradio“ izjavio je načelnik općine Bosanski Petrovac Ermin Hajder.



## ULIČNA AKCIJA „DRVNA BIOMASA ZA ODRŽIVU BUDUĆNOST“

**FOJNICA, 25. april/travanj** – U okviru UNDP GEF projekta (Globalnog fonda za životnu sredinu) „Zapošljavanje i sigurno snablijevanje energijom korištenjem biomase u BiH“ trenutno se sprovodi promotivna kampanja „Drvena biomasa za održivu budućnost“. Cilj kampanje je promocija drvne biomase kao lokalnog održivog izvora energije, čime će se posredno podržati jačanje lokalnih zajednica, dugoročno rješavanje problema upravljanja energijom, te jačanje tržišta drvne biomase u BiH kao i povećanje broja lokalnih radnih mjesta.

Općina Fojnica je jedna od pet općina koja je odabrana na osnovu velike mogućnosti iskorištavanja energije iz drvne biomase. Tim povodom, danas je UNDP u saradnji s Brdsko-biciklističkim klubom "Slapovi Kozice", na platou ispred zgrade Općine Fojnica, organizirao ulična akcija sa zanimljivim aktivnostima koja ima za cilj podizanje javne svijesti o koristima drvne biomase.

U okviru akcije, članovi tog fojničkog kluba dijelili su prolaznicima promo materijal u kojem su detaljno navedene prednosti upotrebe otpada nastalog prilikom obrade drveta koji može biti kvalitetnije i jeftinije gorivo od šumske biomase. Pristunima se obratila i Amila Selmanagić Bajrović, voditeljica projekta, UNDP BiH koja je naglasila da promotivna kampanja traje još nekoliko mjeseci u Livnu, Srebrenici, Gradišci, Fojnici i Maglaju, a organizirat će se i natjecanje srednjoškolaca u poznavanju navedene problematike.

Biomass Projekat finansira Globalni fond za životnu sredinu (GEF), koji je osigurao milion dolara za ovaj projekat, a sprovodi ga Razvojni program Ujedinjenih nacija (UNDP).



Slapovi Kozice, Fojnica

## PRESJEDNIK HRVATSKE I. JOSIPOVIĆ POSJETIO OPĆINU LJUBUŠKI



**LJUBUŠKI, 15. april/travanj** – Predsjednik R. Hrvatske Ivo Josipović boravio je danas u Ljubuškom, gdje je sa općinskim načelnikom Nevenkom Barbarićem razgovarao o članstvu Hrvatske u Evropskoj uniji, te o tome kako će se to odraziti na BiH.

"Ono za što se mi u Hrvatskoj zalažemo i što treba ostvariti zajedničkim naporima je da promjena do koje će doći ne utječe na kvalitetu odnosa ne samo među državama, već i na položaj ljudi, pojedinaca, građana BiH. Moramo se dobro pripremiti da nastavimo dobru i kvalitetnu trgovinu, razmjenu kulturnih dobara i slobodu

*"Planiramo izgradnju veće poslovne zone i uistinu vjerujemo kako će Ljubuški kroz koju godinu biti jedno veliko gradilište".*

kretanja ljudi", izjavio je predsjednik Hrvatske.

Govoreći o ulasku Hrvatske u porodicu evropskih zemalja naredne godine, načelnik Barbarić kazao je da se u toj općini ulazak Hrvatske u EU doživljava kao prednost, s obzirom na sjecište koridora i blizinu luke Ploče.

"Planiramo izgradnju veće poslovne zone i uistinu vjerujemo kako će Ljubuški kroz koju godinu biti jedno veliko gradilište. Želimo kvalitetno prezentirati svoje potencijale na tržištu Hrvatske, na obostranu korist", rekao je on.

Josipović, nakon Ljubuškog, otputovao je u Mostar, gdje je prisustvovao otvaranju manifestacije "Mostarsko proljeće 2012", čije održavanje pomaže Republika Hrvatska.



Zgrada Općine Ljubuški



Grb Općine Banovići



Banovići

## U POSJETI OPĆINI BANOVICI BORAVIO AMBASADOR REPUBLIKE MAKEDONIJE

**BANOVICI, 17. april/travanj** – U posjeti Općini Banovići danas je u radnoj posjeti boravila delegacija Ambasade Republike Makedonije u Bosni i Hercegovini na čelu sa ambasadorom Rami Rexhepi. Prijem je upriličio općinski načelnik Bego Birparić sa saradnicima. Ovom prilikom vođeni su razgovori o saradnji u svim oblastima, a pokrenuta je i inicijativa za bratimljenje Općine Banovići sa Općinom Brnovica. Razgovor u kabinetu Općinskog načelnika danas je tekao u pravcu moguće saradnje u oblastima ekonomije i privrede. „Najvažnije je da je Ambasada Republike Makedonije pokazala da želi saradnju sa Bosnom i Hercegovinom u svakom pogledu. Naš najveći interes je svakako razvoj ekonomije i privrede, a i njihov takođe i nastojat ćemo da u tom pravcu da stvorimo prijateljske odnose i neki vid saradnje“, rekao je Općinski načelnik nakon posjete Ambasadora. Ovom prilikom pokrenuta je i inicijativa za bratimljenje dvije općine koje su prema riječima Ambasadora kompatibilne i imaju zajedničke interese što je i osnovica za nastavak dalje saradnje. Današnja radna posjeta Ambasadora dobar je početak za nastavak saradnje na obostrano zadovoljstvo. Konkretni razgovori o mogućoj saradnji će uslijediti nakon susreta sa delegacijom iz Općine Brnovica koja je najavljena u skorije vrijeme. ([www.opcina-banovici.com.ba](http://www.opcina-banovici.com.ba))



### KORISNI LINKOVI ZA PREDPRISTUPNE FONDOVE EU:

[www.southeast-europe.net](http://www.southeast-europe.net)  
[www.adriaticipacbc.org](http://www.adriaticipacbc.org)  
[www.interregadriatico.it](http://www.interregadriatico.it)  
[www.europa.ba](http://www.europa.ba)  
[www.cbib-eu.org](http://www.cbib-eu.org)  
[www.chc.bih-mne.org](http://www.chc.bih-mne.org)  
[www.srb-bih.org](http://www.srb-bih.org)  
[www.chc-cro-bih.net](http://www.chc-cro-bih.net)  
[www.programmmed.eu](http://www.programmmed.eu)  
[www.tacso.org](http://www.tacso.org)  
[www.euroinfocenter.ba](http://www.euroinfocenter.ba)  
[www.balkanfund.org](http://www.balkanfund.org)  
[www.eurelsmmed.com](http://www.eurelsmmed.com)  
[www.eacea.ec.europa.eu](http://www.eacea.ec.europa.eu)

*Tokom posjete gosti iz Turske su upoznati o poslovnoj zoni Ratkovac i rezultatima koje općina očekuje realizacijom ovog projekta. Nakon toga prezentirana je fiskalna politika naše zemlje i prednosti ulaganja u našu privredu, olakšice za investitore i najpogodnije grane za ulaganje u općini Cazin.*

## USPOSTAVLJENA BRATSKA SARADNJA OPĆINA CAZIN I ŠILE

**CAZIN, 18. april/travanj** – Predstavnici Općine Šile iz Turske, na čelu sa načelnikom Can Tabakoglu Belediye Baskani boravili su danas u zvaničnoj posjeti Općini Cazin, kojom prilikom su uručili Odluku njihovog zakonodavnog tijela o jačanju prijateljskih i bratskih odnosa ove dvije općine. Osim načelnika, Cazin su posjetili i İlhan Ocaklı predsjednik AK partije u Općini Šile, Dursun Senocak pomoćnik načelnika Općine Šile za prostorno planiranje, Haydar Kondi i Cem Tabakoglu. Ispred grada Istanbula u delegaciji je stigao doc.dr. Halil Onur Mimar kao pomoćnik gradonačelnika Istanbula za prostorno planiranje, ujedno predsjednik Komisije za očuvanje nacionalnih spomenika grada Istanbula i jedan od 7 članova iste komisije na državnom nivou u Turskoj. On je posjetio Cazin kako bi identificirao kulturne i historijske potencijale Cazina i razgovarao o mogućnostima finansiranja projekta izgradnje islamskog kulturnog centra u Czinu, jer je grad Istanbul iskazao spremnost da sudjeluje u ovom projektu.



Tokom posjete gosti iz Turske su upoznati o poslovnoj zoni Ratkovac i rezultatima koje općina očekuje realizacijom ovog projekta. Nakon toga prezentirana je fiskalna politika naše zemlje i prednosti ulaganja u našu privredu, olakšice za investitore i najpogodnije grane za ulaganje u općini Cazin. Kako se vjeruje da je ljudski potencijal najveće blago svake razvijene sredine pa tako i općine Cazin, gostima su prezentirani i obrazovni kapaciteti koji postoje u općini.

Veliko interesovanje gosti su pokazali za informacije o visini poreza, prosječnim platama, olakšicama kod ulaganja, za doprinos dijasporu u privrednom razvoju našeg okruženja i sl. Prema njihovim riječima, spremni su pomoći općini Cazin i njenim predstavnicima da prezentiraju svoje potencijale širom Turske i da ostvare konkretne kontakte sa potencijalnim investitorima iz njihovih krajeva. Kako su rekli, njihova uloga je posrednička i trudiće se da Cazin, kao bratska općina, pokrene svoju privredu uz pomoć turskih firmi, ulagača i turističkih stručnjaka.

Načelnik Ogřešević obećao je pomoć općine u slučaju pokretanja proizvodnih kapaciteta na području općine od strane turskih investitora i usluge na najvišem nivou.



## OPĆINI STARI GRAD SARAJEVO URUČENO PRIZNANJE 'EVROPSKI OTVORENI GRAD'



**SARAJEVO, 16. april/travanj** – U prisustvu ambasadora Češke i Austrije, Tomaša Sunjoga i Donatusa Koka, te zamjenika ambasadora Slovenije, Slovačke i Mađarske, Davida Brozine, Miroslava Dodulika i Lajoša Koharija, danas je načelniku Hadžibajriću uručeno priznanje koje Općinu Stari Grad "identificira" kao proevropsku sredinu, priznanje "Evropski otvoreni grad" Evropskog pokreta u BiH.

Plaketu je načelniku te općine, Ibrahimu Hadžibajriću, kojeg je Evropski pokret u BiH nominovao i za priznanje "Najbolji načelnik Federacije BiH", uručio predsjednik Evropskog pokreta u BiH Predrag Praštalo.

Evropski pokret u BiH tradicionalno dodjeljuje priznanje "Evropski otvoreni grad" lokalnim zajednicama sa kojima ima sklopljeno "Evropsko partnerstvo" i potpisan memorandum o saradnji.

Na taj način, Evropski pokret u BiH na svojstven način želi identifikovati proevropske sredine i načelnike sa kojima dijeli viziju demokratskog, naprednog, evropskog i civilizovanog društva.

Stav Evropskog pokreta u BiH je da su Općina Stari Grad Sarajevo i njen načelnik Ibrahim Hadžibajrić svojim profesionalnim djelovanjem, kao javni i društveni servis u interesu građana, postigli zavidan, gotovo evropski nivo u funkcionalnosti, te kao takvi mogu biti pozitivan primjer za ostale sredine, kako u BiH, tako i u cijelom regionu i mnogo šire.

Predsjednik Evropskog pokreta u BiH Predrag Praštalo kazao je da je Evropa kombinacija kulture, tradicije, prošlosti i vizije budućnosti, te da Sarajevo, a posebno Općina Stari Grad, ima sve elemente evropskog subjekta.

"U Starom Gradu se, na najbolji način, susreću prošlost, sadašnjost i budućnost i siguran sam da će Općina Stari Grad i načelnik Hadžibajrić dati značajan doprinos evropskoj BiH kroz djelovanje u lokalnoj zajednici", rekao je Praštalo.

On je dodao da načelnik svake općine u BiH mora djelovati i razmišljati kao menadžer, pa tek onda kao političar ili načelnik.

"Sretni smo i zadovoljni što imamo za partnera Općinu Stari Grad i načelnika Hadžibajrića, kojeg apsolutno podržavamo, kao što podržavamo sve naše načelnike. Evropski pokret u BiH ima 27 načelnika partnera, odnosno članova koji dolaze iz osam političkih partija. Dakle, Evropski pokret ne podržava načelnike po partijskoj, nacionalnoj ili nekoj drugoj pripadnosti, već po tome kakvu viziju imaju", dodao je Praštalo.

Praksa je da načelnik kojeg Evropski pokret proglasi najboljim načelnikom FBiH ili RS-a, naredne godine bude domaćin obilježavanja Dan Evrope. Ove godine je domaćin Općina Vitez, a 2013. godine će domaćin biti jedan od gradova iz RS-a. Predsjedavajući pokreta, Predrag Praštalo iskoristio je priliku da već danas, uvjeren u nastavak njegovog mandata, ponudi načelniku Hadžibajriću da bude domaćin Dana Evrope u BiH, 2014. godine. Ambasador Češke u BiH Tomaš Sunjog kazao je novinarima da je za ambasadore važno da se BiH kreće ka Evropskoj uniji i nastavi integracijske procese.

"Integracija u EU nije samo pitanje koje rješavaju ljudi na vrhu države, već se to mora raditi i na nivou entiteta, kantona i općina, jer je evropska integracija pitanje u koje moraju biti uključeni svi građani BiH. Mi smo spremni podržati BiH na tom putu, ali čekamo da se ovdje stvari dogovore kako bismo se pokrenuli u EU što brže", naglasio je ambasador Sunjog.



*"U Starom Gradu se, na najbolji način, susreću prošlost, sadašnjost i budućnost i siguran sam da će Općina Stari Grad i načelnik Hadžibajrić dati značajan doprinos evropskoj BiH kroz djelovanje u lokalnoj zajednici"*

## NAČELNIK OPĆINE CENTAR SARAJEVO DOBITNIK BIZNIS NAGRADE 'GAZELA'



Načelnik Općine Centar Dževad Bećirević dobitnik je ustanovljene BH Biznis nagrade "Gazela" - u počasnoj kategoriji i proglašen je za najboljeg općinskog načelnika koji podržava poduzetništvo i omogućava pozitivnu atmosferu poslovanja u 2011. godini.

Svečano uručenje nagrada koje se dodjeljuju po prvi put upriličeno je 12. aprila/travnja 2012. godine u sarajevskom hotelu "Evropa".

Projekt "Gazela - BH Biznis nagrada" razvila je "Kameleon M&M Group" iz Tuzle, uz podršku Federalnog ministarstva razvoja, poduzetništva i obrta i Privredne komore Federacije Bosne i Hercegovine. Cilj projekta je izdvajanje i prepoznavanje perspektivnih brzo rastućih malih i srednjih preduzeća i njihovih menadžera, njihovo predstavljanje tržištu i potencijalnim poslovnim partnerima, te stvaranje povoljnijeg poslovnog okruženja.

Na svečanosti u Sarajevu ukupno je uručeno 30 nagrada u tri kategorije mikro, mala i srednja preduzeća. U kategoriji malih preduzeća dobitnik prve BH Biznis nagrade na nivou Federacije je firma DevLogic d.o.o. iz Sarajeva, dok je u kategoriji srednjih preduzeća prva nagrada pripala firmi Monting energetika d.o.o. iz Živinica. Za najpoduzetniju ženu na poslovnoj sceni Federacije BiH proglašena je Emina Kadrić, direktorica firme PI Consulting iz Sarajeva.





Grb Općine Centar Sarajevo



## SAVJETNIK NAČELNIKA OPĆINE TEŠANJ ODRŽAO PREZENTACIJU "ZAŠTO INVESTIRATI U TEŠANJ" NA SIMPOZIJU U TIANJINU U KINI

Savjetnik načelnika Općine Tešanj za pristup EU fondovima Ismar Alagić, 19. aprila/travnja održao je prezentaciju pod nazivom "Zašto investirati u Tešanj", na simpoziju o privredi i trgovini država istočne i srednje Evrope u Tianjinu, Kina.

Skup je održan u prostorijama privredne komore Tianjin, grada koji ima najviši bruto društveni proizvod po glavi stanovnika u Kini, a koji iznosi 13.000 USD, objavljeno je na web stranici Općine Tešanj.

Kako se navodi, Alagić je održao sastanak sa zamjenikom direktora Privredne komore Tianjina Li Sheng Li, kojeg je informirao da je prije nekoliko dana u Sarajevu potpisan sporazum između bh. i privrednih komora iz tri kineske regije.

Također, Alagić je sagovornika upoznao sa posjetom predstavnika firme Sogal općini Tešanj. Prezentaciji "Zašto investirati u Tešanj" odazvalo se 15 kineskih firmi iz različitih sektora privrede. Alagić je, zajedno sa ambasadorom BiH u Kini Amelom Kovačević, predstavnikom Tianjin razvojnog ekonomskog područja - TEDA i investitorom Wei Xue Song, 22. aprila/travnja održao radni sastanak radi investiranja u poslovnu zonu u Tešnju. Poseban interes je iskazan za turizam, mineralne vode, energetiku, kao i prerađivačku industriju. Alagić je predložio da se u Tešnju, na lokalitetu Gliništa, napravi TEDA II, Tešanj-Tianjin Economic Development Area, navodi se na web stranici Općine Tešanj.



### KORISNI LINKOVI ZA PREDPRISTUPNE FONDOVE EU:

[www.southeast-europe.net](http://www.southeast-europe.net)  
[www.adriaticipacbc.org](http://www.adriaticipacbc.org)  
[www.interregadriatico.it](http://www.interregadriatico.it)  
[www.europa.ba](http://www.europa.ba)  
[www.chib-eu.org](http://www.chib-eu.org)  
[www.cbc-bih-mne.org](http://www.cbc-bih-mne.org)  
[www.srb-bih.org](http://www.srb-bih.org)  
[www.cbc-cro-bih.net](http://www.cbc-cro-bih.net)  
[www.programmemed.eu](http://www.programmemed.eu)  
[www.tacso.org](http://www.tacso.org)  
[www.euroinfocentar.ba](http://www.euroinfocentar.ba)  
[www.balkanfund.org](http://www.balkanfund.org)  
[www.eurelmed.com](http://www.eurelmed.com)  
[www.eacea.ec.europa.eu](http://www.eacea.ec.europa.eu)

## ODRŽANA ZAVRŠNA RADIONICA PROJEKTA LOD II



Dana 26.04.2012. godine u Hotelu 'Europe' u Sarajevu je održana završna radionica projekta kojeg finansira EU "Jačanje lokalne demokratije II – LOD II", na kojoj su predstavljeni rezultati projekta provedenog u 15 bosanskohercegovačkih općina. Na radionici su prisustvovali načelnici partnerskih općina i drugih jedinica lokalne samouprave, predstavnici organizacija civilnog društva, Ministarstva pravde BiH, Delegacije EU u BiH, saveza općina i gradova FBiH i RS i Razvojnog programa Ujedinjenih nacija (UNDP) u BiH. LOD II projekat je tokom 18 mjeseci provedbe finansirao 72 projekta NVO-a u

partnerskim općinama Bijeljina, Derventa, Foča, Grad Sarajevo, Gradiška, Jablanica, Ključ, Ljubuški, Prijedor, Srebrenik, Tešanj, Trebinje, Tuzla, Zavidovići i Zvornik. Kroz realizaciju ovih projekata su se riješavala pitanja definisana razvojnim strategijama ovih zajednica, ali u isto vrijeme i razvijali kapaciteti organizacija civilnog društva i samih lokalnih vlasti.

Savez / Zajedno za uređenu i razvijenu lokalnu samoupravu





Tokom radionice se razgovaralo i o poboljšanju postojećih mehanizama finansiranja organizacija civilnog društva, posebno se osvrćući na finansiranje projekata kojima se mogu riješiti problemi u lokalnim zajednicama. Rezultati ovih razgovora će se vidjeti u budućnosti prilikom primjene određenih evropskih standarda u dodjeljivanju budžetskih sredstava za provedbu projekata organizacija civilnog društva na lokalnom nivou.

Također, ovaj skup je poslužio kao odlična prilika da se razmjene iskustva, prije svega iz domena jačanja saradnje između lokalnih vlasti i organizacija civilnog društva u Bosni i Hercegovini, ali i istaknu naučene lekcije koje će biti od pomoći u daljnjoj izgradnji te saradnje.

Evropska unija je finansirala projekat LOD II iz sredstava Instrumenta za pretpristupnu pomoć (IPA) u iznosu od 1,5 milion eura. Cilj projekta je da se doprinese demokratskoj stabilizaciji, pomirenju i daljem razvoju Bosne i Hercegovine kroz podršku odabranim jedinicama lokalne samouprave u uspostavljanju boljih odnosa između lokalnih vlasti i civilnog društva, te iznalaženju finansijskih mehanizama za unaprijeđeno pružanje usluga.

## PROGRAM EVROPA ZA GRAĐANE

Memorandum o razumijevanju o učešću Bosne i Hercegovine u programu „Evropa za građane“ prošao je kompletnu internu proceduru (potvrđen od strane Vijeća ministara BiH i Predsjedništva BiH, te je određen potpisnik u ime Bosne i Hercegovine).

Ono što sad predstoji je potpisivanje Memoranduma o razumijevanju između EU i BiH, koje bi trebalo biti obavljeno sredinom maja/svibnja, tako da aplikanti iz BiH mogu aplicirati na otvoreni poziv koji završava 01.06.2012. godine.

Otvoreni poziv je već objavljen za Aktivnost 1 (Mjera 2.1 i Mjera 2.2) i Aktivnost 4, očekuje se i objava za Aktivnost 1 (Mjera 1.1 i Mjera 1.2).

Objavljene pozive možete pronaći na: [http://eacea.ec.europa.eu/citizenship/index\\_en.php](http://eacea.ec.europa.eu/citizenship/index_en.php) (na stranici sa desne strane).

Savjetujemo redovno praćenje navedene web stranice, zbog svih mogućih promjena i budućih poziva kao i neophodnih informacija za apliciranje.

**NAPOMENA: Nemojte podnositi projektne prijedloge prije nego Memorandum bude potpisan, a o danu potpisa ćete biti blagovremeno obaviješteni.**

Za svu dalju pomoć i asistenciju možete se obratiti u Ministarstvo pravde BiH, Goran Kučera, stručni saradnik, Sektor za civilno društvo, tel: 033 281 551; fax: 033 201 794

## STUDIJSKA POSJETA O ODRŽIVOM TURIZMU I ULOGA LOKALNIH VLASTI

U sklopu programa Local Administration Facility (LAF) otvoren je poziv za iskazivanje interesovanja za učestvovanje predstavnika i predstavnica lokalnih samouprava u **studijskom putovanju u Brisel pod nazivom „Održivi turizam i uloga lokalnih vlasti“ (Study tour on Sustainable Tourism and the role of local authorities)** koje će se održati od 13. do 15. juna/lipnja 2012. godine.

Cilj posjete je pružanje prilike lokalnim i regionalnim predstavnicima da se detaljnije upoznaju sa održivim turizmom.

Ovo je četvrti poziv u okviru ovog programa. Raniji pozivi su se odnosili na „Upravljanje otpadom“ (Study Tour on Waste Management), „Javne nabavke“ i o „EU regionalnim politikama“ (EU Regional Policy).

Od strane EU Delegacije u Bosni i Hercegovini biće proveden prvi postupak selekcije prijavljenih kandidata, dok će konačan izbor kandidata izvršiti Generalni direktorat za proširenje. Aplikanti treba da posebno obrate pažnju na to da je za učestvovanje neophodno radno poznavanje engleskog jezika.

Studijsko putovanje je namijenjeno učesnicima sa područja Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija).

Molimo Vas da aplikacije šaljete na e-mail: [DELEGATION-BIH-TAIX@eeas.europa.eu](mailto:DELEGATION-BIH-TAIX@eeas.europa.eu)

Aplikacija treba da sadrži popunjen prijavni formular, pismo interesa i CV.

Krajnji rok za primanje aplikacija je 15. maj/svibanj 2012. godine.

Prijave poslate na druge adrese elektronske pošte i nakon roka za prijavu neće se razmatrati.

Za više informacija kontaktirajte gđu. Esmiru Kesana na: [esmira.KESAN@eeas.europa.eu](mailto:esmira.KESAN@eeas.europa.eu)



*Ono što sad predstoji je potpisivanje Memoranduma o razumijevanju između EU i BiH, koje bi trebalo biti obavljeno sredinom maja/svibnja, tako da aplikanti iz BiH mogu aplicirati na otvoreni poziv koji završava 01.06.2012. godine.*



### LOD METODOLOGIJA ZA DODJELU SREDSTAVA ORGANIZACIJAMA CIVILNOG DRUŠTVA

*Praktični priručnik*

## POZIV ZA DOSTAVLJANJE KOMENTARA NA RADNU VERZIJU LOD METODOLOGIJE ZA RASPODJELU OPĆINSKIH SREDSTAVA ORGANIZACIJAMA CIVILNOG DRUŠTVA

Predsjedništvo Skupštine Saveza općina i gradova Federacije BiH je na sjednici održanoj 17. aprila/travnja u Općini Stari Grad Sarajevo podržalo radnu verziju LOD Metodologije za raspodjelu općinskih sredstava organizacijama civilnog društva sa zaključkom da se ista uputi u javnu raspravu svim članicama Saveza.

Radnu verziju LOD Metodologije možete pogledati na web stranici UNDP-a putem sljedećeg linka:

- [Radna verzija LOD Metodologije \(www.undp.ba\)](http://www.undp.ba)

#### Prilozi:

- [Oglasi i potvrde](#)
- [Popratni dokumenti NVO](#)
- [Zapisnici, tabele, izjave](#)
- [Smjernice i izvještaji](#)

Molimo Vas da svoje komentare dostavite u Savez najkasnije do 4. maja/svibnja 2012. godine putem e-mail-a [elvira@sogfbih.ba](mailto:elvira@sogfbih.ba)

### KORISNI LINKOVI ZA PREDPRISTUPNE FONDOVE EU:


[www.southeast-europe.net](http://www.southeast-europe.net)  
[www.adriaticipacbc.org](http://www.adriaticipacbc.org)  
[www.interregadriatico.it](http://www.interregadriatico.it)  
[www.europa.ba](http://www.europa.ba)  
[www.cbib-eu.org](http://www.cbib-eu.org)  
[www.chc-bih-mne.org](http://www.chc-bih-mne.org)  
[www.srb-bih.org](http://www.srb-bih.org)  
[www.chc-cro-bih.net](http://www.chc-cro-bih.net)  
[www.programmed.eu](http://www.programmed.eu)  
[www.tacso.org](http://www.tacso.org)  
[www.euroinfocentar.ba](http://www.euroinfocentar.ba)  
[www.balkanfund.org](http://www.balkanfund.org)  
[www.eurelmed.com](http://www.eurelmed.com)  
[www.eacea.ec.europa.eu](http://www.eacea.ec.europa.eu)

## NAJAVA OBILJEŽAVANJA DANA OPĆINA I BITNIH DATUMA ZA SAVEZ

- **02. maj/svibanj - Dan Općine Centar Sarajevo.** Naime, toga dana 1992. godine dešavale su se presudne bitke za odbranu Predsjedništva RBiH.
- **02. maj/svibanj - Dan Općine Stari Grad.** Naime, toga dana 1992. godine dešavale su se presudne bitke za odbranu Starog Grada i Sarajeva, kao što su borba za kasarnu Druge armijske oblasti, presijecanje kolone motornih vozila u Dobrovoljačkoj ulici, odbrana zgrade Predsjedništva i oslobađanje predsjednika Predsjedništva BiH Alije Izetbegovića.
- **05. maj/svibanj - Prijem Saveza općina i gradova FBiH u članstvo CEMR-a.** Na sastanku CEMR-a (Vijeće evropskih općina i regiona), održanom u Reykjaviku 5. 05.2008.g., potvrđen je prijem Saveza općina i gradova Federacije BiH u punopravno članstvo. Ova organizacija je najveća organizacija lokalnih i regionalnih vlasti u Evropi. Njene članice su nacionalne asocijacije gradova, općina i regija iz više od 30 zemalja i predstavljaju više od 100.000 lokalnih i regionalnih vlasti. CEMR ima urede u Parizu i Briselu. Cilj ove organizacije je promoviranje ujedinjene Evrope zasnovane na lokalnoj i regionalnoj samoupravi i demokratiji.
- **08. maj/svibanj - Dan Općine Kladanj** i dan formiranja Teritorijalne odbrane 1992. godine.
- **15. maj/svibanj - Dan Općine Usora**
- **16. maj/svibanj - Dan Općine Novo Sarajevo.** Ovaj datum simbolizira «Pofaličku bitku», kojom je 1992. godine agresoru onemogućeno da podijeli Sarajevo.



Centar Sarajevo



Stari Grad Sarajevo



Kladanj



Novo Sarajevo

Savez / Zajedno za uređenu i razvijenu lokalnu samoupravu

Savez općina i gradova Federacije  
Bosne i Hercegovine

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: [dino@sogfbih.ba](mailto:dino@sogfbih.ba)

**Nađite nas na facebook-u**



POSJETITE NAS NA WEB-U

[WWW.SOGFBIH.BA](http://WWW.SOGFBIH.BA)

## NAJAVA OBILJEŽAVANJA DANA OPĆINA I BITNIH DATUMA ZA SAVEZ

- **20. maj/svibanj - Dan Općine Bugojno.** Na ovaj datum 1886. godine prvi put zasjeda Gradsko vijeće Bugojna, što predstavlja i prvi oblik parlamentarizma, demokratije i političkog djelovanja kroz državne institucije vlasti. Inače, Bugojno kao selo prvi put se spominje 1574. godine.
- **23. maj/svibanj - Dan Općine Kalesija.** Na ovaj dan 1992. godine jedinice Armije BiH oslobodile su uže područje Kalesije čime je postala prvi oslobođeni grad u BiH.
- **24. maj/svibanj - Dan Općine Čitluk.** Na taj dan 1306. godine Čitluk, odnosno Brotnjo, prvi put se spominje u trgovačkim odnosima s Dubrovnikom.
- **25. maj/svibanj - Dan Općine Bosanski Petrovac.**
- **27. maj/svibanj - Osnovana Mreža lokalnih i regionalnih vlasti jugoistočne Evrope (NALAS).** Savez općina i gradova FBiH 27.05.2004. godine postaje član - osnivač NALAS-a.
- **29. maj/svibanj - Održana Osnivačka skupština Saveza općina i gradova Federacije BiH.** U Mostaru je 29.05.2002. godine održana Osnivačka skupština sadašnjeg Saveza općina i gradova Federacije. Tom prilikom Savezu su pristupile 54 članice.



Bugojno



Kalesija



Čitluk



Bosanski Petrovac



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: [dino@sogfbih.ba](mailto:dino@sogfbih.ba)

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.